

ЎТМИШГА НАЗАР

4 ЖИЛД, 10 СОН

ВЗГЛЯД В ПРОШЛОЕ

ТОМ 4, НОМЕР 10

LOOK TO THE PAST

VOLUME 4, ISSUE 10



Бош мухаррир:
Главный редактор:
Chief Editor:

Муртазаева Рахбар Хамидовна
тарих фанлари доктори, профессор,
Ўзбекистон Миллий университети

Бош мухаррир ўринбосари:
Заместитель главного редактора:
Deputy Chief Editor:

Джураева Нилуфар Далибаевна
тарих фанлари номзоди, доцент,
Ўзбекистон жаҳон тиллари университети

«Ўтмишга назар» илмий журнали тахририй маслаҳат кенгаши
редакционный совет научного журнала «Взгляд в прошлое»
Editorial board of the scientific journal Looking into the past

Сагдуллаев Анатолий Сагдуллаевич
тарих фанлари доктори,
профессор, академик,
Ўзбекистон Миллий университети

Бобожонова Дилором Бобожонова
тарих фанлари доктори, профессор,
Ўзбекистон жаҳон тиллари
университети

Юнусова Хуршида Эркиновна
тарих фанлари доктори, профессор,
Ўзбекистон Миллий университети

Кебадзе Мадонна
тарих фанлари доктори, Телави
давлат университети, Грузия

Аширов Адхам Азимбаевич
тарих фанлари доктори, профессор,
ЎзР ФА Тарих институти

Агзамова Гулчехра Азизовна
тарих фанлари доктори, профессор,
ЎзР ФА Тарих институти

Бурдиашвили Майя
тарих фанлари доктори, Телави
давлат университети, Грузия

Кожакеева Ляззат Темировна
тарих фанлари доктори, доцент,
Хотин-қизлар давлат педагогика
университети, Қозоғистон

Ульжаева Шохистахон Мамажоновна
тарих фанлари доктори,
Тошкент кимё - технология институти

Бабаджанова Нодира Абдуллаевна
тарих фанлари номзоди, доцент,
Ўзбекистон давлат жаҳон
тиллари университети

Рахмонкулова Зумрад Бойхуразовна
тарих фанлари номзоди, доцент,
Ўзбекистон Миллий университети

Гоффоров Шокир Сафарович
тарих фанлари доктори, профессор
Самарқанд давлат университети

Эргашева Юлдуз Алимовна
Тарих фанлари доктори, профессор,
Қариш муҳандислик-иқтисодиёт
институти

Теймураз Ахалмосулишвили
профессор, Телави давлат
университети, Грузия

Халикова Рахбар Эргашевна
тарих фанлари доктори, профессор,
Тошкент давлат техника университети

Ишанходжаева Замира Райимовна
тарих фанлари доктори, профессор,
Ўзбекистон Миллий университети

Абдуллаева Яхшибека Атамуратовна
тарих фанлари доктори, доцент
Нукус давлат педагогика институти

Мустафаева Нодира Абдуллаевна
тарих фанлари доктори
Ўзбекистон Республикаси
Фанлар академияси

Джоробекова Айнуэр Эшимбековна
тарих фанлари номзоди, профессор,
Дипломатия академияси,
Қозоғистон Республикаси

Ширванова Тарана Амирага кызы
тарих фанлари номзоди, доцент
Азербайджон давлат
иқтисодиёт университети

Ерметов Аваз Абдуллаевич
тарих фанлари доктори, доцент,
Ўзбекистон Миллий университети

Санпова Камола Давляталиевна
тарих фанлари номзоди, доцент,
Ўзбекистон Миллий университети

Расулов Абдуллажон Нуриддинович
тарих фанлари доктори, профессор
Наманган давлат университети

Ковалев Борис Николаевич
тарих фанлари доктори, профессор
Санкт-Петербург Тарих институти, Россия

Кобзева Ольга Петровна
тарих фанлари доктори, профессор,
Ўзбекистон Миллий университети

Ауанасова Алима Мусировна
тарих фанлари доктори, профессор
Давлат тарихи институти, Қозоғистон

Бегалинова Калимаш Капсамаровна
фалсафа фанлари доктори, профессор
Ал-Фаробий номидаги Қозоғистон
Миллий университети, Қозоғистон

Хайдаров Муродилла Махмуталиевич
тарих фанлари доктори, профессор
Ўзбекистон Миллий университети

Алиева Лале
тарих фанлари доктори,
Озарбайжон давлат университети

Исмаилова Алмаз
тарих фанлари доктори,
Догистон мустақил университети

Иноятова Диларам Маниглиевна
Тарих фанлари доктори (DSc)
Ўзбекистон Миллий университети

Талапов Бахриддин Алижанович
тарих фанлари номзоди, доцент,
Наманган давлат университети

Одилов Абдор Анварович
тарих фанлари номзоди, доцент,
Ўзбекистон Миллий университети

Толибоева Нодира Одилжоновна
Тарих фанлари бўйича фалсафа доктори
(PhD)

Page Maker | Верстка | Саҳифаловчи: Хуршид Мирзахмедов

Контакт редакций журналов. www.tadqiqot.uz
ООО Tadqiqot город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz
Tadqiqot LLC the city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

1. Нодирбек Сайфуллаев ЎЗБЕК ТЕАТР САНЪАТИНИНГ РИВОЖЛАНИШИ ТАРИХИЙ-НАЗАРИЙ КЕСИМДА.....	4
2. Фирюза Мухитдинова ЯНГИ ЎЗБЕКИСТОНДА АЁЛЛАР ИЖТИМОЙ МАҚОМИНИНГ ТАРИХИЙ-ҲУҚУҚИЙ АСОСЛАРИ.....	11
3. Жуммагул Абдурахмонова, Улғбек Исмоилов ЎЗБЕКИСТОНДА ВИЖДОН ВА ЭЪТИҚОД ЭРКИНЛИГИ ДИНИЙ ОБЪЕКТЛАР ВА ЗИЁРАТГОҲЛАР ФАОЛИЯТИ МИСОЛИДА.....	22
4. Валишер Абиров ЗАМОНАВИЙ БАТАН ТАРИХИ ДИССЕРТАЦИОН ТАДҚИҚОТЛАРИДА ЎЗБЕК ХАЛҚИ ЭТНОГЕНЕЗИ ВА ЭТНИК ТАРИХИ МАСАЛАЛАРИНИНГ ЁРИТИЛИШИ.....	37
5. Umidjon Boymurodov O'ZBEKISTON VA AFG'ONISTONNING HAMKORLIK MUNOSABATLARI.....	46
6. Muhayyo Gaipova TOSHKENT YOG'OCH O'YMAKORLIGI MAKTABI RIVOJIDA IBRAGIMOVLAR SULOLASI VAKILASINING TUTGAN O'RNI.....	53
7. Бобир Зокиров ЎЗБЕКИСТОН-ХИТОЙ ҲАМКОРЛИГИ ВА УНИНГ ИСТИҚБОЛЛАРИ.....	59
8. Сардор Кенжаев АМИР ТЕМУР ДАВЛАТИ ВА ХИТОЙ (МИН) ИМПЕРИЯСИ ЎРТАСИДАГИ САВДО АЛОҚАЛАРИ ТАРИХИДАН.....	67
9. Оксана Пуговкина ТАССР - ЎЗБЕКИСТОН ССР СОВЕТ МУАССАСАЛАРИДА "СОБИҚ"ЛАР ТАЖРИБАСИ ВА БИЛИМИДАН ФОЙДАЛАНИШ.....	74
10. Gulnara Farmanova XX ASRNING BIRINCHI YARMIDA ZARAFSHON VODIYSI HUDUDIDAGI DASTLABKI ARXEOLOGIK TADQIQOTLAR VA STRATIGRAFIK QAZISHMALAR.....	86
11. Дилфуза Ҳамидова ЗАРДУШТИЙЛИК ДИНИГА ОИД КУЛОЛЧИЛИК БУҶОМЛАРИ ТАРИХИ.....	92
12. Xayitmurod Xurramov OKS SIVILIZATSIYASINING ARAB KO'RFAZIGA TA'SIRI MUAMMOSIGA DOIR AYRIM MULOHAZALAR.....	97

ЎТМИШГА НАЗАР ВЗГЛЯД В ПРОШЛОЕ LOOK TO THE PAST

Жуммагул Номазовна Абдурахмонова,
Тарих фанлари номзоди, доцент, Тошкент
вилояти Чирчиқ давлат педагогика институти,
jumagulnamozovna9480@mail.ru
Улугбек Қўчқорович Исмоилов,
Тошкент вилояти Чирчиқ давлат
педагогика институти ўқитувчиси
iuq0787@gmail.com

ЎЗБЕКИСТОНДА ВИЖДОН ВА ЭЪТИҚОД ЭРКИНЛИГИ ДИНИЙ ОБЪЕКТЛАР ВА ЗИЁРАТГОҲЛАР ФАОЛИЯТИ МИСОЛИДА

For citation: Jummagul N. Abdurahmonova, Ulugbek K. Ismoilov. FREEDOM OF CONSCIOUSNESS AND RELIGION IN UZBEKISTAN ON THE EXAMPLE OF THE ACTIVITIES OF RELIGIOUS OBJECTS AND PLACES OF RIGGUAGE. 2021, vol. 4, issue 10, pp.22-36



<http://dx.doi.org/10.26739/2181-9599-2021-10-3>

АННОТАЦИЯ

Мақолада Ер юзида содир бўлаётган диний мазмундаги зиддиятлар ва уларнинг ечими, конфессиялараро конструктив мулоқот ҳамда ўзаро тинч-тотув ҳаёт кечириши, фаолият юргизиши чоралари Ўзбекистон Республикасида конфессиялараро муносабатлар мисолида илмий таҳлил қилинган.

Ҳозирги кунда Ўзбекистоннинг тахминан 94-95 % аҳолиси ислом динига эътиқод қилади. Шундан келиб чиқиб юртимизнинг барча ҳудудларида Ислом динига оид таълим марказлари ва зиёратгоҳлари мавжуд.

Шунингдек, мақолада Ўзбекистон ҳудудида истикомат қилаётган ва аҳолининг 5-6 % ташкил этувчи ислом динидан ўзга динларга эътиқод қилувчилар ва уларнинг диний эътиқодларини бемалол амалга оширишлари учун яратилган шарт-шароитлар, диний конфессиялар фаолияти ва ўзбек халқининг уларга кўрсатган бағрикенглиги тадқиқ этилган.

Калит сўзлар: Мусулмонлар, Ислом, Сунний, Шиа, Ўзбекистон мусулмонлари идораси, Барокхон мадрасаси, Ҳаст Имом, Зангиота мажмуаси, православлар, католиклар, насроний корейслар, баптистлар, лютеранлар, еттинчи кун адвентистлари, евангелистлар, Иеговининг Шоҳидлари, буддистлар, Баҳойлар, Харе Кришналар ва атеистлар, Бухоро яҳудийлари, виждон эркинлиги, конфессиялар.

Джуммагуль Номазовна Абдурахмонова,
Кандидат исторических наук, доцент,
Чирчикский государственный педагогический
институт Ташкентской области
jumagulnamozovna9480@mail.ru

Улугбек Кучкарович Исмоилов,
Преподаватель, Чирчикский государственный
педагогический институт Ташкентской области
iuq0787@gmail.com

СВОБОДА СОВЕСТИ И ВЕРОИСПОВЕДАНИЯ В УЗБЕКИСТАНЕ НА ПРИМЕРЕ ДЕЯТЕЛЬНОСТИ РЕЛИГИОЗНЫХ ОБЪЕКТОВ И МЕСТ ПОЛОМНИЧЕСТВА

АННОТАЦИЯ

В статье научно проанализированы конфликты происходившие в мире в религиозной почве и их решение, межконфессиональное конструктивное общение а также мирное сосуществование, деятельность на примере межконфессиональных отношений в Республике Узбекистан.

Сегодня около 94-95% населения Узбекистана исповедуют религию ислам. Исходя из этого, во всех регионах страны функционируют образовательные центры и место поломничества религии ислам.

А также, в статье исследуются условия, созданные для верующих неисламских религий и их религиозных убеждений, составляющих 5-6% населения Узбекистана, деятельность религиозных конфессий и толерантность, оказываемая им узбекским народом.

Ключевые слова: Ислам, мусульмане, сунниты, шииты, Религиозное управление мусульман Узбекистана, медресе Баракхана, Хаст Имам, комплекс Зангиота, православные, католики, корейцы-христиане, баптисты, лютеране, адвентисты седьмого дня, евангелисты, свидетели Иеговы, буддисты, бахаи, кришнаиты и атеисты, бухарские евреи, свобода совести, конфессии

Jummagul N. Abdurahmonova,
Candidate of Historical Sciences, Associate Professor,
Tashkent Region Chirchik State Pedagogical
Institute jumagulnamozovna9480@mail.ru

Ulugbek K. Ismoilov,
Teacher, Chirchik State Pedagogical
Institute, Tashkent region
iuq0787@gmail.com

FREEDOM OF CONSCIOUSNESS AND RELIGION IN UZBEKISTAN ON THE EXAMPLE OF THE ACTIVITIES OF RELIGIOUS OBJECTS AND PLACES OF RIGGUAGE

ABSTRACT

Abstract: The article provides a scientific analysis of religious conflicts in the world and their resolution, as well as measures for constructive dialogue and peaceful coexistence and interfaith relations in the Republic of Uzbekistan.

Today, about 94-95% of the population of Uzbekistan believe the religion of Islam. Based on this, educational centers and a place of pilgrimage of the religion of Islam function in all regions of the country.

And also, the article examines the conditions created for believers of non-Islamic religions and their religious beliefs, who make up 5-6% of the population of Uzbekistan, the activities of religious confessions and the tolerance shown to them by the Uzbek people.

Index Terms: Muslims, Islam, Sunnis, Shiites, Muslim Board of Uzbekistan, Barakkhan Madrasa, Hast Imam, Zangiota Complex, Orthodox, Catholics, Christian Koreans, Baptists, Lutherans, Seventh-day Adventists, Evangelicals, Evangelicals, Evangelicals, Evangelicals, Bukhara Jews, freedom of conscience, denominations.

1. Мавзунинг долзарблиги:

XX аср инсоният тарихида миллий ва диний асосдаги зиддиятларнинг вужудга келиши ва глобал даражадаги муаммога айланиши билан ёдда қолди. Мисол учун, Ислон фундаментализми, Ирландиядаги католиклар ва протестантлар ўртасидаги зиддиятлар, Яқин Шарқдаги Қуддус шаҳри атрофидаги можаролар, Собик Иттифокдаги диндорларнинг таъқиб қилиниши, Нигериядаги насронийлар, мусулмонлар ва маҳаллий дин вакиллари ўртасидаги низолар, Ҳиндистондаги ҳиндуийлар ва мусулмонлар ўртасидаги келишмовчиликлар, Бирмадаги диний таъқиб, қатағонлар ва ҳоказолар. Бунинг натижасида минг-минглаб инсонлар нобуд бўлди, жабр кўрди.

Халқаро мутахассисларнинг ҳисоб-китобларига кўра, дунё аҳолисининг 83 фоизи фикр, виждон ва дин эркинлигини қаттиқ чеклашмоқда. Дин, эътиқод ёки куфрга асосланган таъқиблар, репрессиялар ва камситишлар кўплаб мамлакатларда кунлик ҳақиқатдир.

Шунингдек, динлараро можаролар натижасида диний ибодатхоналар ва иншоотлар жабр кўрди ёхуд вайрон этилди. Мисол учун, Ҳиндистонда XVI асрга оид масжид ҳиндуийлар томонидан Рам ибодатхонасининг қурилиши баҳонасида бутунлай бузиб ташланди. Афғонистоннинг Бомиён вилоятидаги икки ярим минг ёшдаги Будда ҳайкаллари Толибонлар омонидан портлатиб юборилди, ва ҳоказолар.

Ҳозирги кунда жаҳонда, маълум бир давлат ҳудудида бир дин вакиллари яхлит кўпчиликти ташкил қилсалар ҳам, бошқа турли дин ва таълимот вакиллари ҳам биргаликда истиқомат қиладилар. Ушбу вазиятда давлатнинг олдига қўйилган асосий мақсади – бу турли миллат вакиллари, динлар ва таълимотларга эътиқод қилувчиларнинг ўзаро тинч-тотув, иноқ, баҳамжиҳат бўлиб истиқомат қилишлари ва бор куч ва шижоатларини ватан тараққиётига эришиш йўлида бирлаштириш – устувор вазифа сифатида ўрнатилган.

Ўзбекистон миллий қонунчилик тизими мамлакатда яшовчи барча 16 дин вакиллари учун тенг шароит яратмоқда. Конституция виждон ва эътиқод эркинлигини кафолатлайди, тегишли қонунчилик базаси барча фуқароларнинг диний эҳтиёжларини қондириш учун шароит яратади, миллий ёки диний мансублигидан қатъи назар, фуқароларнинг ҳуқуқлари ва манфаатларини таъминлайди ва шу асосда камситишларга қарши самарали курашади. (1. Исмоилов У.Қ., 2020)

1. Услуглари ва ўрганилганлик даражаси:

Мақола умум қабул қилинган тарихий услублар – тарихийлик, қиёсий – мантикий таҳлил, кетма-кетлик, ҳолислик тамойиллари асосида ёритилган бўлиб, унда дунё аҳолисининг диний қарашлари ва дунёда турли дин, миллат вакиллари ўртасидаги содир бўлаётган зиддиятлар, ҳамда турли сабабларга кўра юртимизга келиб қолган ва шу ерда қолиб, яшаб фаолият юритаётган ўзга миллат ва дин вакилларида давлатимиз томонидан яратилаётган шарт-шароитлар, Ўзбекистон халқининг бағрикенглиги, тинч-тотувлиги, тинчликсеварлиги, ҳукуматимиз томонидан бу борада олиб борилаётган оқилона сиёсатнинг мамлакатнинг ижтимоий – сиёсий, маънавий ҳаётида юксак натижаларга эришаётганлиги кўрсатиб ўтилган.

Миллий ва диний можаролар мавзусида Мустақил Давлатлар Ҳамдўстлигига аъзо республикаларда қатор илмий тадқиқотлар олиб борилган: Антонян Ю.М (2004), Давиатадзе МД, Богатырев КА (2009), Булгакова М.В (2009), Новицкий И.Я. (2011), Островская Э.А. (2011), М.И.Воробьева-Десятковская (2011), Э.П.Островская (2011), Т.В.Ермакова, Симония А.А (2013), Травина Л.А., Мусина В.В. (2016), С.А.Ланцова (2008), М.Ю.Барбашин (2012), Л.А. Баширов (2011) ва бошқалар. (2)

Миллий ва диний бағрикенглик масаласида ҳам Мустақил Давлатлар Ҳамдўстлигига аъзо республикаларда қатор илмий тадқиқотлар олиб борилган: Ўзбекистонда Эгамбердиева М.Ҳ. (2017); Қозоғистонда Балпанов Н., Исмагамбетова З. Н., Карабаева А.Г. (2018), Соколовский К.Г. (2016); Россияда Н. Медушевский (2020), Э.К. Рудакова (2014), В. В. Никитюк, О. Шатаева, Н. Коршунова (2014) ва бошқалар. (3)

Ўзбекистон халқининг мамлакатимиздаги кам сонли миллатлар ва ўзга дин вакилларида нисбатан бағрикенглиги, ғамхўрлиги, инсонпарварлиги Муртазаева Р.Ҳ.

(201,2018), Иноятова Д.М. (2014, 2018), Муҳаммадсиддиқов М. (2009), Сиддиқов Р.Б. (2019), Бабаходжаев М. А. (1996), Дониёров А. (2004), Назаров Р.Р. (1995), Мўминов А.Г. (1999), Мусаев Н. (2000), Низамов Бахтиёр (2007), Шамғунов Р.Г. (2004), Абдунабиев А. (2003), Убайдуллаева Р.А. (2007), Мирзахмедов Хуршид Абдирашидович (2015), Кулуева Флора Гаинитдиновна (2019) (4) ва бир қатор тадқиқотчиларнинг илмий мақолалари, монографиялари, асарларида ёритиб берилган. Бундан ташқари Ўзбекистонда миллатлараро муносабатлар, бағрикенглик масалалари Мирзо Улуғбек номидаги Ўзбекистон Миллий университети ҳузуридаги "Миллатлараро тотувлик ва бағрикенглик" илмий маркази томонидан ўрганилиб келинмоқда. Ушбу марказ томонидан бир қатор илмий-амалий конференциялар, илмий-тадқиқот ишлари амалга ошириб келинмоқда. (5. Исмоилов У.Қ., 2020)

Ўзбекистондаги мусулмон бўлмаган ўзга дин вакилларининг тадқиқотчилар томонидан ўрганилиши муҳим бўлган энг асосий мавзулардан биридир.

3.Тадқиқот натижалари:

Мустақиллик йилларида халқимизнинг миллатлараро тотувлик, бағрикенглик фазилатлари янада юксалди. Республикамизда амалга оширилаётган барқарор сиёсат туфайли миллатлараро муносабатлар янада такомиллашди. Миллатлар ўртасидаги ўзаро тотувлик, эътиқод эркинлигини таъминлашга қаратилган ислохотлар туфайли мамлакатимизда 20 га яқин диний конфессия, 130 дан ортиқ миллат ва элат вакиллари тинч-тотув яшаб келмоқда. Бундан ташқари республикамизда улар учун кенг миқёсдаги имкониятлар яратилган бўлиб, бунинг натижаси ўлароқ юртимизда 140 дан зиёд миллий маданий марказлари фаолият юритиб келмоқда. (6. Abdurahmanova J.N., 2018)

Ҳозирги кунда Ўзбекистон аҳолиси тахминан 34 млн кишини ташкил қилади. Шундан тахминан 80% дан ортиқроғини титул миллат вакиллари – ўзбеклар ташкил этади. Республикамизда ўзбеклардан ташқари қозоқ, тожик, туркман, афғон, қирғиз, рус, татар, қрим татар, уйғур, ва бошқа 136 та миллат ва элат вакиллари истиқомат қилади. Уларнинг барчаси ўзларини Ўзбекистон Республикасининг тўла ҳуқуқли фуқароси сифатида ҳис қилишлари учун барча шароитлар яратилган. (7. Исмоилов У.Қ., Қурбанов А. 2020)

Бугунги кунда Ўзбекистондаги маънавий-маданий ҳаёт диний эътиқодлар ранг-баранглиги билан ажралиб туради. Собиқ Шўролар тузуми қулагач, кўп миллатли ва кўп конфессияли халқимизнинг ўзаро тотувлигини таъминлаш соҳасида қатор ишлар олиб борилди. Мисол учун, “Виждон эркинлиги ва диний ташкилотлар тўғрисидаги” Ўзбекистон Республикаси қонунининг 4-моддасида фуқароларнинг динга муносабатидан қатъи назар тенг ҳуқуқлилиги қайд этилган бўлиб, унда жумладан шундай дейилган: “Ўзбекистон Республикаси фуқаролари динга муносабатидан қатъи назар қонун олдида тенгдирлар. Расмий ҳужжатларда фуқаронинг динга муносабати кўрсатилишига йўл қўйилмайди. Фуқароларнинг динга муносабатига қараб уларнинг ҳуқуқларини ҳар қандай чеклаш ва уларга бевосита ёки билвосита имтиёзлар белгилаш, душманлик ва адоват уйғотиш ёхуд уларнинг диний ёки дахрийлик эътиқоди билан боғлиқ ҳис-туйғуларини ҳақоратлаш, диний зиёратгоҳларни оёқ ости қилиш қонунда белгиланган жавобгарликни келтириб чиқаради”. Ўзбекистон Республикасининг Жиноят кодексининг 141 ва 156 моддаларида ҳам ушбу турдаги қонунбузарликлар учун жиноий жавобгарлик кўзда тутилган.

Бундай одилонга сиёсатнинг натижаси ўлароқ, ҳозирда юртимизда 16 хил диний конфессияга мансуб икки ярим мингтага яқин диний ташкилотлар ўз фаолиятларини тўлиқ қонуний асосда амалга оширмоқдалар. Шулардан 175 таси насроний (черков, монастырь), 8 таси яҳудийлар жамоаси (синагога), 6 та баҳойий жамоалари, 1 та буддавийлар ибодатхонаси, 1 та ҳаре-Кришна жамияти, Ўзбекистон динлараро Муқаддас Китоб жамияти, ва қолганлари исломий (масжид, мадраса), фаолият юритмоқда. (8. Исмоилов У.Қ., 2020)

Ҳукумат асосий эътиборни халқаро ташкилотлар ва ушбу соҳадаги мутахассислар билан конструктив мулоқот ва ҳамкорлик ўрнатишга қаратади. Бирлашган Миллатлар Ташкилотининг Инсон ҳуқуқлари бўйича Олий комиссари Зайд Раад Ал Хусейн ва ЕХХТнинг Миллий озчиликлар бўйича Олий комиссари Ламберто Заниернинг ташрифлари

чоғида ишларнинг ҳозирги ҳолати муҳокама қилинди ва мамлакатимизда олиб борилаётган ислохотларга юқори баҳо берилди. Бирлашган Миллатлар Ташкилотининг Дин ва эътиқод эркинлиги бўйича махсус маърузачиси Аҳмад Шаҳиднинг ташрифидан сўнг, Ўзбекистон парламенти дин соҳасида бир қатор чора-тадбирларни амалга ошириш тўғрисида алоҳида ҳужжат қабул қилди. (9. Тимур Ахмедов, 2018)

Ўзбекистонда барча диний байрамлар эркин нишонланади. Мисол учун, мусулмонлар Қурбон ҳайит ва Рамазон ҳайит, насронийлар Пасха ва Рождество, яҳудийлар Пейсах байрамларини йилдан йилга тобора кенг миқёсда нишонлаяптилар. Давлат раҳбарининг фармони билан Қурбон ҳайит ва Рамазон ҳайит байрамлари дам олиш куни дб эълон қилинган. Бундан ташқари, давлатнинг ҳар томонлама кўмаги ёрдамида муқаддас кадамжойларга зиёратчилар ташриф буюрадилар.



Тошкент шаҳридаги Шайх Муҳаммад Содиқ Муҳаммад Юсуф мажмуасида таровеҳ намози ўқилиши

Ўзбекистон Республикасидаги барча мусулмон диний ташкилотлари ўз фаолиятини олиб боришда Ўзбекистон мусулмонлари идорасига бўйсунди.



Ўзбекистон мусулмонлари идораси биноси 2007 йил

Бу ташкилот 1943 йил 20 октябрда Тошкентда бўлиб ўтган Ўрта Осиё ва Қозоғистон мусулмонлари курултойида “Ўрта Осиё ва Қозоғистон мусулмонлари диний идораси” сифатида таъсис этилган.

Дастлаб Шайх Эшон Бобоҳон ибн Абдулмажидхон ҳовлисида иш бошлаган. 1956 йилдан Бароқхон мадрасасида фаолият юритган.




Барокхон мадрасаси XVI аср

Ўзбекистон мустақилликни қўлга киритгач, 1992 йилдан Мовароуннаҳр муслмонлари идораси, деб қайта номланган. 1996 йилдан “Ўзбекистон муслмонлари диний идораси” деб юритилади.

У давлатдан ажралган мустақил ташкилот сифатида фаолият юритади. Идора Ўзбекистондаги муслмонлар ўртасида диний ишларга раҳбарлик қилади, фатволар беради, масжидларга имом-хатиблар тайинлайди, диний ходимлар тайёрлайди. Моддий жиҳатдан муслмонлардан масжидларга тушадиган хайр-эхсон, ёрдамчи хўжаликлар ва бошқалар ҳисобига таъминланади. Идора раҳбар органи – Олий ҳайъат. Унинг раиси муфтий ҳисобланади. Идоранинг ҳуқуқшунослик, халқаро алоқалар, таълим ва кадрлар тайёрлаш, масжидлар ва фатво бўлимлари бор. Тошкентдаги Имом Бухорий номидаги ислом институтида ҳамда 7 та ўғил болалар ва 2 та хотин-қизлар ўрта махсус ислом билим юртларида кадрлар тайёрланади.

Муслмонлар идораси юртимиздаги ва хорижий мамлакатлардаги кўпгина диний ташкилотлар билан алоқа қилади. Ҳар йили 3,5–4 минг кишининг ҳаж сафарини уюштиришда фаол иштирок этади.

Халқаро Ислам конференцияси ташкилотининг Таълим, фан ва маданият бўйича муассасаси ISESCO (АЙСЕСКО) Тошкентни 2007 йилда Ислам маданияти пойтахти деб эълон қилиши муносабати билан Ҳаст-Имомда Ўзбекистон Республикаси Президенти Ислам Каримов ташаббуси билан кенг қўламда бунёдкорлик ишлари олиб борилди, хусусан, Ўзбекистон Муслмонлари идораси учун янги, замонавий мухташам бино қурилди. Унинг ҳар бир хонаси энг замонавий иш қуроллари ва компьютер техникаси билан жиҳозланди.



Ўзбекистон муслмонлари идорасининг халқаро алоқалари



Ўзбекистон масжидларида жума намози ибодати вақтида

Шунингдек, муқаддас зиёратгоҳлар ва қадамжойларга нисбатан ҳам ҳукуматимиз томонидан юксак эътибор ва ғамхўрлик кўрсатилади. Мисол учун, Зангиота туманида жойлашган Яссавия тариқатининг етук намоёндаларидан бири Зангиота зиёратгоҳи ҳам мустақиллик йилларида тўлиқ таъмирдан чиқарилди ва ҳозирда йирик зиёратгоҳ вазифасини бажаради. Зиёратчиларнинг кети узилмайди. Мақбара XV асрда Соҳибқирон Амир Темур томонидан бунёд этилган. Мирзо Улуғбек томонидан мақбара деворлари нақшинкор безаклар билан безатилган. Собиқ иттифоқ даврида эса омборхона ва кейинчалик музейга айлантирилган. Мустақиллик йилларида мақбара таъмирланиб зиёратчилар учун қайтадан очилган. (10. Abdurakhmanova, Jumaeva, Ismailov, 2020)

Вазирлар Маҳкамасининг 2013 йил 20 октябрдаги 322-сонли қарори асосида Тошкент вилоятидаги Зангиота мажмуаси ва унга туташ ҳудудларда кенг кўламли қурилиш ва ободонлаштириш ишлари олиб борилди. Мажмуа ҳудудида 1000 ўринли янги масжид биноси, Ўзбекистон мусулмонлари идораси вилоят вакилликсининг биноси, 40 ўринли таҳоратхона, 2 та ҳожатхона, эски ҳовуз ўрнига 2 та фаввора, 2 та миллий услубда лойиҳалаштирилган шийпон, тегишли коммуникация тармоқлари (иссиқлик, ичимлик суви, оқава-чиқинди суви, электр, алоқа, ёритиш), ер ости ўтиш йўли, автотураргоҳ, 50 ўринли 3 қаватли меҳмонхона, 70 ўринли чойхона, икки қаватли минимаркет ва бошқа ўндан ортиқ миллий ҳунармандчилик савдо дўконлари, новвойхона, замон талабига жавоб берадиган 50 ўринли деҳқон бозори, ошхона қуриб битказилди. Янги лойиҳа талабига кўра мажмуага кириш дарвозаси қайта қурилди, чегара деворлари бошқатдан тикланди. Қадимги мадраса биноси тўла таъмирдан чиқарилди. Ҳовлидаги эски минора олиб ташланиб, янги масжид олдида янги, баландлиги 31 метр бўлган минора қуриб битказилди. Зангиота ва Анбарбиби мақбаралари ҳам буткул қайта таъмирланди. Мажмуадаги 5 та гумбаз қайта тикланди.


Турли динлар вакиллари ўртасидаги муносабатларни ўрнатишнинг янги модели мувозанатли ёндашувга ва барча диндорларнинг қонун ва давлат олдида тенглигига асосланади. Унинг муваффақияти Ўзбекистон барқарорлиги ва хавфсизлигининг муҳим омилidir

Ўзбекистон суверенитетининг дастлабки кунлариданок, этник гуруҳларда ўзларининг диний қадриятларига қизиқиш ортиши қайд этилди. Бу уларнинг Кўплаб Миллий маданий марказлар ўз фаолиятининг дастлабки даврлариданок шаҳар ҳокимиятларига миллий озчиликларга уларнинг конфессияларига тааллуқли ибодатхоналарнинг собиқ биноларини ва бошқа миллий қадриятларини қайтариб бериш илтимоси билан чиқишлари тасодиф эмас. Жамият талаблари бефарқ қолмади: 1990-йилларнинг бошларида. Сефар-Торонинг қадимий ёзувлари республика музей хазиналаридан Бухоро-яхудийлар жамоатига ўтказилган Тошкент евангелист - лютеран черкови Германия маданият марказига

ўтказилди. Полша католик черкови – Кирхе Рим-католик черкови бошқарувига ўтказилди. (11. А.Юсупов, 2018)

Рус православ черковининг Тошкентдаги Успенский кафедрал собори – Тошкент ёки Ўзбекистон епархияси 1871 йил баҳорда Верный (Олма-Ота) шаҳрида Туркистон пархияси тарзида ташкил топган. (12. Исмоилов У.Қ., 2020) Собик Иттифоқ даврида епархия ходимлари таъқиб остига олинган, бошқарув большевиклар қўлига ўтган. Иккинчи жаҳон уруши йилларида бева аёллар ташрифи учун фаолият юритган. XX асрнинг 50 – йилларидан бошлаб эса яна таъқиб кучайган. Мустақиллик йилларида диний эркинлик берилган. 2011 йилнинг 27 июлидан янги ташкил этилган Ўрта Осиё митрополия ўлкаси таркибига киритилган. Тошкент епархияси раҳбари митрополия ўлкасига бошчилик қилади. Митрополия ўлкасига тааллуқли ишлар, ҳамда литургик ибодатлар вақтида Ўрта Осиё митрополити деб номланади.

Тошкент шаҳридаги Успенский кафедрал соборида, XIX асрнинг бошларида пархияга архиепископ Дмитрий (Абашидзе) томонидан олиб келинган, Биби Марьямнинг Ивер иконасининг Афон муқаддас тоғида чизилган нусхаси сақланади.



Тошкент шаҳридаги Успенский кафедрал собори

Тошкент диний семинарияси - бу рус православ черковининг Марказий Осиё Метрополитан округидаги руҳонийлар ва черков хизматчиларини тайёрлайдиган олий маънавий таълим муассасасидир.



Тошкент шаҳридаги Успенский кафедрал собори

Тошкент диний мактаби 1990 йилда очилган. 1996 йил ноябрдан Ўзбекистон ҳукумати кўмагида Успенский кафедрал собори қошида Диний – маъмурий марказ қурилиши бошланган.

1998 йил 9 апрелдаги Муқаддас Синоднинг қарори билан диний мактаб семинария сифатида қайта ташкил этилди. Мазкур йилдан Тошкент диний семинарияси сифатида фаолият юритади. 1998 йил 21 июлда Тошкент диний семинарияси Ўзбекистон Республикаси Адлия вазирлиги томонидан рўйхатдан ўтказилди. 1999 йил 22 январда Семинария ишлаш учун лицензия олди.

2002 йилда ҳар бирида 4 кишидан иборат камераларга бўлинган ҳолда кенг хоналардан иборат Тошкент диний семинарияси ётоқхонасининг икки қаватли янги биноси қуриб фойдаланишга топширилди.

Тошкент диний семинариясида ўқта факультет (бўлим) мавжуд:

Пасторал ва диншунослик бўлими, Катехизм (аёллар) бўлими, Регент (аёллар) бўлими.



Тошкент диний семинарияси

Рус православ черковининг Ўрта Осиё митрополитан округи Тошкент ва Ўзбекистон епархиясига қарашли Авлиё Троицкий Георгиевский эркаклар монастири Тошкент вилояти Чирчиқ шаҳрида жойлашган.

Монастир 1996 йил 22 февралда Чирчиқ шаҳридаги Авлиё Георгий черкови асосида рус православ черковининг Муқаддас синоди қарори билан очилган. Авлиё Троицкий Георгиевский монастири XIX асрнинг охирларида Туркистон ўлкасининг руслар истиқомат қиладиган Троицкое қишлоғи (Ҳозирги Ўзбекистон Республикаси Чирчиқ шаҳрида) аҳолиси учун ибодатхона қуриш ишларидан бошланади. 1895 йил 11 сентябрда Туркистон диний консисторияси қишлоқ аҳлига ибодатхона қурилиши учун хайрия маблағларини йиғиш учун китоб тақдим қилган. Ибодатхона қурилиши учун йиғилган хайрия маблағларининг катта қисмини мусулмон аҳоли вакиллари йиғиб берган. (13. Владимир, Митрополит Бишкекский и Среднеазиатский, 2010). Ушбу ҳолат диний бағрикенглик тамойиллари халқимиз онгида азалдан бўлганлиги ва қон-қонига сингиб кетганлигидан далолат беради.

Дастлаб ибодат уйи бунёд этилган ва 1897 йил 1 февралда ишга туширилган. Ушбу ибодат уйининг биноси бугунги кунгача сақланиб қолган. Ибодат уйи очилгандан сўнг, қишлоғи ҳудудида ибодатхона қурилиши бошланди.

1900 йил 23 ноябрда черков расман очилган ва Муқаддас Георгий – музаффарга бағишлаб дуо ўқилган. 1931 йилда Собик Совет ҳукумати томонидан ибодатхона ёпилиб, бинодан отхона сифатида фойдаланилган. Кейинчалик қишлоқ кенгаши ҳамда болалар

боғчаси биноси сифатида хизмат қилган. Ибодатхонанинг қўнғироқхонаси бузиб ташланган. Ибодатхона биноси 1945 йилда черков ихтиёрига қайтарилган.



Чирчиқ шаҳридаги Муқаддас Троицкий Георгиевский монастири

Монастирда дастлабки роҳиблар тонзураси (соч олдириш – ўзини черковга бағишлаш маросими) 2004 йилда Тошкент ва Ўрта Осиё Митрополити Владимир (Иким) томонидан амалга оширилган.

2012 йилдан бери монастирда диний ибодатлар ҳар куни ўтказилиб келинмоқда.

2020 йил 19 мартда иккита роҳиблар уйи - Дўстобод шаҳридаги Свято-Покровский монастири ва Чирчиқ шаҳридаги Муқаддас Троицкий Георгиевский монастирида ободонлаштирилиш ишлари бошланди. Тўққиз ой давомида Тошкент вилоятида жойлашган ушбу икки монастирда, Ўзбекистон Республикаси Ҳукумати ва шахсан мамлакат Президенти Ш.М.Мирзиёев ҳамда хайр-эҳсон қилувчиларнинг фаол кўмаги билан тиклаш бўйича тинимсиз ишлар олиб борилди.



Чирчиқ шаҳридаги Муқаддас Троицкий Георгиевский монастири

Насронийлик динининг оқимларидан бири Авлиё Филипп Арман Апостол черкови ибодатхонаси 2007 йил 12 январда Ўзбекистон Республика қонунларида кўрсатилган тартибда расман рўйхатдан ўтиб Тошкент шаҳрида ўз фаолиятини бошлаган.



Тошкентдаги Авлиё Филипп Арман Апостол черкови ибодатхонаси



Тошкентдаги Авлиё Филипп Арман Апостол черкови ибодатхонаси

Исонинг муқаддас юраги собори - Тошкентдаги (Ўзбекистон) католик черкови бўлиб, Ўзбекистон Апостолик маъмурияти кафедрал собори вазифасини бажаради. Собор бино Ғарбий Европа меъморчилик усулubi готика услубида қурилган.



Людвик Панчакевич томонидан бошланган эди.

Черков қурилишида ишчилар дастлаб Тошкентда хизмат қилган католик аскарлари эди, кейинчалик қурувчилар Тошкент яқинида ушлаб турилган ҳарбий асирлар бўлиб, улар орасида юқори малакали муҳандислар, ҳайкалтарошлар ва сангтарошлар бўлган. 1917 йилда Пранайтис вафотидан кейин қурилиш католик руҳонийси Болеслав Рутенис бошчилигида давом этди. Инқилоб ва болшевиклар Тошкентда ҳокимият тепасига келгандан сўнг, қурилиш ишлари тўхтатилди.

Тошкентда католик черкови қурилиши 1912 йилда руҳоний Жастин Бонавентура Пранайтис ташаббуси билан таниқли полшалик меъмор

1925 йилдан 1976 йилгача қурилиши тугалланмаган черковда турли корхоналар, шунингдек, ётоқхона ва омборхона жойлашган. Ибодатхона биноси бошқа мақсадларда фойдаланилган даврларда ундаги барча ҳайкаллар талон-тарож қилинган ёки йўқ қилинган.

1976 йилда ҳокимият бинони қайта тиклаш тўғрисидаги қароридан сўнг у қайта тикланиб, Ўзбекистон ССР Маданият вазирлиги балансига ўтказилди. 1981 йилда черков биноси Ўзбекистоннинг меъморий ва тарихий ёдгорлиги деб эълон қилинди. (14. Жумаева, Абдурахмонова, 2020)



Исонинг муқаддас юраги собори - Тошкентдаги (Ўзбекистон) католик черкови

Ўзбекистон Республикаси Давлат мустақиллигини қўлга киритгач диний соҳа вакиллари тааллуқли бўлган бино ва иншоотлар, ҳамда муқаддас буюмлар юртимизда расман фаолият олиб бораётган диний конфессиялар вакилларига тегишли тартибда қайтарилди. 1992 йилда ҳукуматининг қарори билан собор биноси ҳам Тошкент католик черкови тасарруфига ўтказилди. 1993 йилда черков биносини тўлиқ тиклаш бошланди. 2000 йил 22 октябрда, қайта тикланган Исонинг муқаддас юраги собори биноси ишга туширилган.



Исонинг муқаддас юраги собори - Тошкентдаги (Ўзбекистон) католик черкови

Ҳозирги кунда ибодатхонадаги якшанба кунлари тўртта тилда олиб борилмоқда: инглиз, рус, корейс ва поляк.

Тошкент шаҳрида Ўзбекистон Евангелия – Лютеран протестантлари черкови епархияси жойлашган. Ушбу собор 1899 йил 3 октябрда ишга туширилган. Қирха биноси амеъмор А.Л.Бенуа лойиҳасига биноан И.И.Краузе маблағига лютеранлар жамоаси томонидан бунёд этилган. Собиқ Совет тузуми даврида черков биносидан омборхона сифатида фойдаланилган, 1970-йилларнинг охирларида эса Тошкент консерваторияси тасарруфига ўтказиб берилган. Реставрация ишлари нихоясига етказилгач

консерваториянинг опера студияси хонаси сифатида фойдаланилган. Ўша вақтларда бинога орган ўрнатилган бўлиб, тизмли равишда орган мусиқаси концертлари ташкил қилиб турилган. Мустақиллик йилларида бино янги ташкил топган лютранлар жамоаси бошқарувига ўтказилган. (15. УЗИНФОРМ, 2010)

Диний ибодатлар рус ва немис тилларида олиб борилади. (16. Епископ Корнелий Вибс, 2010)

4. Хулосалар:

Дунёнинг кўп жойларида конфессиялараро қарама-қаршиликлар кескинлашмоқда.

Улар асосан диний озчиликлар ҳуқуқларининг бузилиши билан боғлиқ. Бундай шароитда, Ўзбекистонда инсон ҳуқуқлари ва эркинликларини ҳимоя қилиш, хавфсизлик, динлараро ва конфессиялараро тотувлик янги сиёсий йўналишнинг асосий мазмунига айланди.

2018 йилда президент фармонига биноан Конфессиялар кенгашининг янги таркиби тасдиқланди. Бу Дин ишлари бўйича қўмита ҳузуридаги жамоат маслаҳат органи ҳисобланиб, 9 кишидан 17 кишигача кенгайтирилган. Унга Ўзбекистонда рўйхатдан ўтган деярли барча диний конфессиялар вакиллари киритилган. Кенгайтирилган таркибга янги аъзолар - еттинчи кун адвентистлар насронийлари, Ўзбекистон Инжил Жамияти, Хоре Кришна Жамияти, Иегова Шоҳидлари ва бошқалар каби оз сонли диний ташкилотларнинг раҳбарлари таклиф этилган.

Кенгаш Ўзбекистондаги диний ва ижтимоий жараёнларнинг ҳозирги ҳолатини муҳокама қилади, фуқароларнинг виждон ва дин эркинлиги ҳуқуқларини таъминлаш, тенглик, диний ташкилотлар фаолияти билан боғлиқ муносабатларни тартибга солиш бўйича ваколатли давлат органи бўлган Дин ишлари бўйича қўмитага тавсиялар ишлаб чиқади.

Умуман олганда, Ўзбекистонда 175 насронийлик диний ташкилоти, 8 яҳудий жамоати, 6 баҳойий жамоаси, битта Иегованинг Шоҳиди, битта Кришна жамияти ва битта буддист ибодатхонаси, шунингдек, Ўзбекистон динлараро Муқаддас Китоб жамияти мавжуд.

2020 йил 7 декабрь куни Америка Қўшма Штатлари давлат департаменти расмий баёнот бериб, Ўзбекистонни диний эркинликлар соҳасидаги “Махсус кузатувдаги давлатлар рўйхати”дан чиқарилганлигини эълон қилди. Жумладан, давлат котиби Майкл Помпео мамлакатимиз эътиқод эркинлигини таъминлаш соҳасида улкан ўсишга эришганини эътироф этди. Ўзбекистон эндиликда дин эркинлиги тўлиқ таъминланадиган мамлакат сифатида баҳоланади. Баёнотда махсус рўйхатдан чиқишда Ўзбекистон тажрибасига юқори баҳо берилди. Жумладан, АҚШ Давлат котиби “Ўтган йил давомида Ўзбекистон ҳукумати томонидан эришилган муҳим, аниқ ютуқларга асосланиб, Ўзбекистон “Махсус кузатувдаги давлатлар рўйхати”дан чиқарилганини эълон қилишдан мамнунман. Ўзбекистоннинг қонунлари ва амалиётдаги жасорати бошқа миллатлар учун намуна бўлмоқда”, деб алоҳида эътироф этди.

Замонавий Ўзбекистоннинг диний ҳаётининг муҳим хусусияти битта дин ёки мазҳаб учун бошқаларга нисбатан афзалликлари ёки чекловларини ўрнатишга йўл қўйилмаслиқдир.

Виждон эркинлигини янада мустаҳкамлаш бўйича вазифалар Ҳаракатлар стратегиясида ўз аксини топган. Бешинчи йўналишда хавфсизлик, миллатлараро тотувлик ва диний бағрикенгликни таъминлаш, мувозанатли, ўзаро манфаатли ва конструктив ташқи сиёсатни амалга ошириш мақсадлари кўзда тутилган. Унга мувофиқ дин соҳасида аллақачон 50 дан ортиқ қонун ҳужжатлари ва 25 та амалий қарорлар қабул қилинган. (9.Тимур Ахмедов, 2018)

Ўзбекистоннинг миллатлараро ва динлараро тотувликка оид сиёсати Инсон ҳуқуқлари умумжаҳон декларацияси ва бошқа халқаро ҳужжатларга тўлиқ мос келади.

Иқтибослар/ Сноски/ References:

1. Исмоилов У.Қ. (2020) Ўзбекистондаги демократик ислохотлар ва халқимизнинг диний бағрикенглиги. Ўтмишга назар, 10 (3), б. 11-18

2. Антонян Ю.М. , Давитадзе М.Д. Этнорелигиозные конфликты: проблемы, решения. Руководство. - М.: Щит-М, 2004. 2. Богатырев К.А. Крымские татары и развитие этноконфессионального конфликта в регионе в 90-е гг. XX век // Политика и общество. - 2009. 3.Булгакова М.В. Этно-религиозный конфликт: некоторые аспекты проблемы // Актуальные проблемы гуманитарных и естественных наук. - 2009. 4. Новицкий И. Я. Управление этнополитикой Северного Кавказа (сценарии распада РФ и сохранение территориально-психологической целостности по линии Северного Кавказа). Краснодар: Изд-во Салом, 2011. 5. Островская д. А. Транснациональный подход в анализе этнорелигиозных конфликтов (центральноазиатский узел) // О.О. четвертые восточные чтения в памяти. Розенберг. Отчеты, статьи, документальные публикации / Сост. М. Я. Воробьева-Десятовская, д. П. Островская; изд. ТЕЛЕВИДЕНИЕ. Ермакова. - СПб.: ИОМ РАН, 2011. 6. Симония А.А. Мьянма – 2012: этноконфессиональный конфликт на юго-западе страны // Азия и Африка сегодня. - 2013. 7. Травина Л.А., Мусина В.В. Этнорелигиозный конфликт на примере столкновения христианской и исламской культурных парадигм в постиндустриальном обществе // Научная дискуссия: социология, политология, философия, история. - 2016. 8. Этно-религиозный конфликт // Политическая конфликтология / под ред. С. А. Ланцова. - СПб.: Питер, 2008.; Барбашин М. Ю. Религия как катализатор межэтнических и конфессиональных конфликтов // Информационно-аналитический портал «Евразия». - 23.05.2012 г. 10.Баширов Л.А. Религиозные и этно-религиозные противоречия: понятие и сущность // Контртеррористическая наука и образование. - 10.11.2011.
3. Мукаддас Холиковна Эгамбердиева Направление толерантности в сфере образования Республики Таджикистан 2017. 2.Балпанов Н.И., Исмагамбетова З.Н., Карабаева А.Г. Укрепление межрелигиозного согласия в Казахстане 2018. 3. Соколовский Константин Геннадьевич. О современном состоянии государственно-конфессиональных отношений в Республике Казахстан. 2016. 4. 5. Н. .. А. Медушевский, М. А. Гордеева, Н. А. Филин, И. П. Азерникова. Принцип толерантности как правовая основа европейского интеграционного проекта // Европейские вопросы социальных и поведенческих наук. Том LVIII, С.: 2719-2725. Рудакова Е.К. Эволюция традиционного ислама в контексте проблемы конфессиональной безопасности Приволжского федерального округа России // Власть. 2014. О.В. Шатаева, Н. Е. Коршунова, В. А. Никитюк. Этническая толерантность сотрудников московской организации. Монография. Москва 2014.
4. Муртазаева Р.Х. Толерантлик кўп миллатли Ўзбекистонда бирлаштирувчи омил сифатида. - Тошкент: Ўзбекистон, 2010. 2.Иноятова Д.М.Ҳозирги Ўзбекистонда этнополитика шаклланиши ва ривожланиши 2014 / 3.Иноятова Диларам Маниглиевна Ўзбекистонда динлараро бағрикенглик 2018 / 4.Муртазаева Рахбар Ҳамидовна Кўп миллатли Ўзбекистонда ўзбек халқининг бағрикенглик намоён бўлиши. мустақиллик шароитида 2018. 5.Муҳаммадсидиков Муҳаммадолим Диний бағрикенглик Ўзбекистонда жамият ҳаётининг асосий хусусияти сифатида 2009. 6.Сиддиқов Равшан Бердимуратович Бағрикенглик Ўзбекистон Республикаси таълим сиёсатининг муҳим йўналиши 2019 7.Бабаходжаев МА Ўзбекистон: Миллатлараро ва конфессиялараро муносабатлар, ташқи иқтисодий алоқалар ҳақидаги иншолар. - Тошкент: Шарк, 1996; 8.Дониёров А. "Диаспоралар муаммосининг" ақл методологи, этносиёсий ва этномаданий жиҳатлари ҳақида // Ижтимоий фикр. -2004 йил. -№2. 9. Назаров Р.Р. Миллий муносабатлар ижтимоий ва сиёсий бошқарув объекти сифатида. Фалсафа фанлари номзоди Диссертацияси иши учун. -Т., 1995; 10.Мўминов А.Г. Мустақил Ўзбекистоннинг миллий сиёсати ва уни маънавий -маданий соҳада амалга ошириш йўллари (назария ва амалиёт) Муаллиф. дисс. таълимот сиёсий. фанлар. - Т., 1999; 11.Мусаев Н. Ўзбекистондаги миллатлараро муносабатлар. Тарих фанлари номзоди Диссертацияси иши учун. -Т., 2000; 12.Низомов Бахтиёр Ўзбекистондаги динлараро тотувлик ва диний ҳуқуқлар 2007. 13. Шамғунов Р.Г. Марказий Осиёдаги исломий омил 2004 14. Абдунабиев, А. Ўзбекистонда бағрикенгликнинг тарихий илдизлари //

- Толерантлик - ижтимоий барқарорлик омили: университетлараро материаллар. илмий .- амалий. конф. Тошкент, 2003. 15. Убайдуллаева, РА Исломиёв цивилизация мустақил Ўзбекистон аҳолиси ҳаётида // Ўзбекистоннинг Ислом цивилизацияси ривожланишига қўшган ҳиссаси ": мақолалар тўплами. Тезис. Междунар. Конф. Тошкент, 2007. 16. Қулуева Флора Гаинитдиновна Ислом таълимотида динлараро бағрикенглик Ўзбекистон мисолида. 2019.
5. Исмоилов У.Қ. (2020) Ўзбекистондаги демократик ислохотлар ва халқимизнинг диний бағрикенглиги. Ўтмишга назар, 10 (3), б. 11-18
 6. Abdurahmanova J.N. (2018) Tolerance of Uzbeks to the Greek Diaspora (1949–2018). Tolerance as a tool for developing mutual trust "Proceedings of the International Scientific Conference. Том – 1, б.- 3
 7. Исмоилов У.Қ., Қурбанов А. (2020) Қрим татарлари: “вақтинчалик депортациями ёки сургун”. Academic research in educational sciences
 8. Исмоилов У.Қ. (2020). Ўзбекистон халқи – қўп миллатли бағрикенг миллат. "Science and Education" Scientific Journal Volume 1 Issue 7 pp. 525-530
 9. “Маърифат ва бағрикенглик диний эркинлик ва хавфсизликнинг омили сифатида” Тимур Аҳмедов, Ўзбекистон Республикаси Президенти ҳузуридаги минтақалараро стратегик тадқиқотлар институти бўлим бошлиғи в.в.б.Манба: xs.uz 06.09.2018 йил. ("Enlightenment and tolerance as a factor of religious freedom and security" Timur Ahmedov, Acting Head of the Institute of Interregional Strategic Studies under the President of the Republic of Uzbekistan Source: xs.uz 06.09.2018.)
 10. Jumagul Namozovna Abdurakhmanova, Shoir Berdiyarovna Jumaeva, Ulugbek Kuchkarovich Ismailov. (2020). The Importance of Shrines in The Spiritual Life and Mentality of Uzbek People. International Journal of Psychosocial Rehabilitation, 24(09), 2389-2398
 11. Юсупов А. - Дин ишлари бўйича қўмита раиси в.б., ффн, доцент “Миллатлараро тотувлик ва диний бағрикенгликнинг юксак намунаси” мақоласи “Ўзбекистон – бағрикенг диёр”. –Т.,-2007.–Б.146 (Yusupov O., Chairman of the Committee on Religious Affairs, etc., Ph.D., Associate Professor The article "Uzbekistan - a high example of interethnic harmony and religious tolerance". –Т.,2007. –Р.146)
 12. Исмоилов У.Қ. (2020).Подшо Россиясининг Туркистонда олиб борган қўчирувчилик сиёсати. Буюк Ипак йўлида умуминсоний ва миллий қадриятлар: тил, таълим ва маданият халқаро илмий-амалий конференцияси. 298.
 13. Владимир, Митрополит Бишкекский и Среднеазиатский (2010) По стопам апостола Фомы: христианство в Центральной Азии. – Москва с. 749
 14. Ш.Б. Жумаева Ж.Н. Абдурахманова (2020) Жемчужина Узбекистана: история Свято-Георгиевского храма. УЧЕНЫЙ XXI ВЕКА № 5-3 (64) 43
 15. УЗИНФОРМ (2010 16 сентябрь) Евангелистско-лютеранская церковь – небольшое, но очень красиво здание в центре Ташкента.
 16. Епископ Корнелий Вибс: «Все, что мы сегодня видим, это мыльный пузырь». RusDeutsch (29 июня 2010)

ЎТМИШГА НАЗАР

4 ЖИЛД, 10 СОН

ВЗГЛЯД В ПРОШЛОЕ

ТОМ 4, НОМЕР 10

LOOK TO THE PAST

VOLUME 4, ISSUE 10

Editorial staff of the journals of www.tadqiqot.uz
Tadqiqot LLC the city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

Контакт редакций журналов. www.tadqiqot.uz
ООО Tadqiqot город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000